



Komentar monetarnih kretanja u martu 2020. godine

Novčana masa (M2) na kraju marta 2020. godine iznosi 26,54 milijarde KM, na mjesečnom nivou ostvaren je rast od svega 18,0 miliona KM (0,1%). Rast novčane mase (M2) u martu 2020. godine rezultat je rasta novca (M1) za 159,7 miliona KM usljed rasta gotovine izvan banaka za 362,5 miliona KM (8,4%) uz istovremeni pad prenosivih depozita u domaćoj valuti od 202,8 miliona KM (2,3%). Kvazi-novac (QM) zabilježio je pad od 141,7 miliona KM (1,1%), pri čemu je najveći pad registrovan kod ostalih depozita u stranoj valuti za 138,8 miliona KM (1,8%).

Na godišnjem nivou porast novčane mase (M2) iznosi 2,15 milijardi KM (8,8%), pri čemu je najveći rast ostvaren kod gotovine izvan banaka za 676,2 miliona KM (16,9%) i prenosivih depozita u domaćoj valuti za 869,3 miliona KM (10,1%) dok su ostale komponente imale znatno manji rast.



Protivstavka mjesečnog porasta novčane mase (M2) u februaru 2020. godine za 158,3 miliona KM (0,6%) je rast neto strane aktive (NSA) za 93,8 miliona KM (1,0%) i neto domaće aktive (NDA) za 64,5 miliona KM (0,5%). Porast M2 na godišnjem nivou od 2,28 milijardi KM (9,4%) rezultat je rasta neto strane aktive u iznosu od 1,66 milijardi KM (13,2%) i neto domaće aktive 620,7 miliona KM (5,3%).

Monetarni pregled

	Stanje u mil KM	Mjesečne promjene u mil. KM			Godišnje stope rasta u %		
	III 2020	I 2020	II 2020	III 2020	I 2020	II 2020	III 2020
Aktiva							
1. Neto strana aktiva	14.022,0	185,8	93,8	-207,4	12,4	13,2	10,3
1.1. Strana aktiva	16.899,0	43,6	58,4	-272,9	10,7	11,4	9,0
1.2. Strana pasiva	-2.876,9	142,2	35,4	65,5	3,5	3,4	2,7
2. Neto domaća aktiva	12.515,5	-157,2	64,5	225,4	5,1	5,3	7,1
2.1. Potraživanja od centralne vlade (neto) kantona i općina	60,4	105,2	86,1	41,7	-275,1	-54,1	-462,4
2.2. Potraživanja od domaćih sektora	19.448,9	-448,5	84,2	55,9	4,4	4,2	3,4
2.3. Ostale stavke	-6.993,9	186,0	-105,8	127,8	1,6	2,0	-1,6
Pasiva							
1. Novčana masa (M2)	26.537,5	28,5	158,3	18,0	8,9	9,4	8,8
1.1. Novac (M1)	13.474,0	-54,3	117,4	159,7	10,4	11,4	13,0
1.2. Kvazi-novac (QM)	13.063,5	82,9	40,9	-141,7	7,4	7,4	4,8

Kreditni

Ukupni krediti domaćim sektorima na kraju marta 2020. godine iznosili su 20,49 milijardi KM. U odnosu na prethodni mjesec povećani su za 52,9 miliona KM. Blagi rast kredita na mjesečnom nivou zabilježen je kod sljedećih sektora, stanovištva za 21,2 miliona KM (0,2%), privatnih preduzeća za 37,2 miliona KM (0,4%) i ostalih domaćih sektora za 3,2 miliona KM (2,0%), dok su smanjenje kredita zabilježile vladine institucije za 4,3 miliona KM (0,4) i javna preduzeća za 4,5 miliona KM (0,9%).

Godišnja stopa rasta ukupnih kredita u martu 2020. godine iznosila je 3,7%, ili u nominalnom iznosu iskazano 736,4 miliona KM. Krediti stanovništvu zabilježili su rast za 496,3 miliona KM (5,3%), privatna preduzeća 86,3 miliona KM (1,0 %), vladine institucije 67,4 miliona KM (6,5%), javna preduzeća 59,9 (14,4%) i ostali domaći sektori 26,5 miliona KM (19,6%).

Sektorska struktura kredita u BiH

	Stanje u mil. KM	Mjesečne promjene u mil. KM			Godišnje stope rasta u %		
	III 2020	I 2020	II 2020	III 2020	I 2020	II 2020	III 2020
Ukupno	20.490,5	-444,8	109,7	52,9	4,6	4,6	3,7
Od toga:							
Stanovništvo 1)	9.902,0	-142,2	47,4	21,2	6,3	6,2	5,3
Privatna preduzeća 1)	8.841,9	-268,7	39,4	37,2	1,7	1,4	1,0
Vladine institucije	1.109,5	-10,1	25,8	-4,3	6,0	10,0	6,5
Javna preduzeća	475,1	-12,5	-5,4	-4,5	17,2	16,4	14,4
Kreditni ostalim domaćim sektorima	162,0	-11,2	2,5	3,2	17,6	23,6	19,6

Devizne rezerve CBBiH

Devizne rezerve CBBiH na kraju marta 2020. godine iznosile su 12,46 milijardi KM i smanjene su za 4,1 milion KM (0,03%) u odnosu na prethodni mjesec. Na godišnjem nivou devizne rezerve CBBiH porasle su za 987,3 miliona KM (8,6%).

¹ Stope rasta su izračunate uzimajući u obzir Odluku o upravljanju kreditnim rizikom i utvrđivanju očekivanih kreditnih gubitaka, slijedom koje su komercijalne banke od 1. januara 2020. godine izvršile preknjižavanje određenih potraživanja iz bilansa u vanbilansnu evidenciju, što se reflektovalo na smanjivanje potraživanja od oko 400 miliona KM u sektorima privatnih preduzeća i stanovništva.